



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



916

917

918

919

920

921

922

923

924

613

---

F-76







ՅԳՏԱԿԱՐ ՏԵՏՐԱԿՆԵՐ

Բ.

ՄԱՐԴԱՅԱՆՈՒԹԻՒՆ

Բ.

ԸՆԴՀԱՆՈՒՐ ԽՆԴԻՐԳ



ԳՈՐԾԱՐԱՆ ԸՄԴԴՐԵԱՆ

ԿՊՕԼԻՍ ԱՌԻԼԹԱՆ-ՀԵՄԱՄ Ն<sup>o</sup> 12

Վ 1871 Վ



ՕԴՏԱԿԱՐ ՏԵՏՐԱԿԵՆԵՐ

Բ.

---

ՄԱՐԴԱԲԱՆՈՒԹԻՒՆ  
ԳԱԹՐՁԱԺԻ ԳԱՂՂԻԱՅԻՈՑ

Բ:

ԸՆԴՀԱՆՈՒՐ ԽՆԴԻՐԳ

---

16142

ՀԱՅԱՍՏԱՆԻ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ

. 9

ՀԱՅԱՍՏԱՆԻ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ  
ՑՈՒՑԱՆԻՑ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ

. 9

ՀԱՅԱՍՏԱՆԻ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ ԳՆԱԿԱԿԱՆՈՒԹՅԱՆ

7834-17

572  
այ

ՄԱՐԴՍԱՐԱՆՈՒԹԻՒՆ

ԳԱԹՐՅԱԺԻ ԳՍՂՂԻԱՑԻՈՅ

Բ.

ՔՆԴՀԱՆՈՒՐ ԽՆԴԻՐԲ

ՄԱՐԴՍԱՆԵՑ

Ս. ՂՈՒԿԱՍԵԱՆ



Կ. - ՊՕԼԻՍ

Ի ԳՈՐԾԱՐԱՆԻ ԶՍՐԻԱՐԵԱՆ

( 1871 )


16142 575  
700

STATIONERS' HALL  
LONDON

18

STATIONERS' HALL

STATIONERS' HALL  
LONDON



1834

STATIONERS' HALL  
LONDON  
1834

ՄԱՐԴԱՐԱՆՈՒԹԻՒՆ

ԳԱԹՐՅԱԺԻ ԳՍՂԴԻԱՅԻՈՅ

Բ.

ՂԵԴՀԱՆՈՒՐ ԽՆԴԻՐՔ

Պարոնայք.

Դիտաւորութիւն ունիմ շարունակել այսօր այն մարդարանութիւնը որուն վրայ սո՛ք բողջապէս ձեզի խօսելու ձեռք զարկի: Չեք մէջէն անոնք որ ներկայ գտնուեցան մեր առաջին դասին գիտեն որ այն դասը հիմնական խնդրոյ մը քննութեան վրայ տեղի ունեցաւ: Քննեցինք թէ երկրիս վրայ գտնուած բոլոր մարդիկ, ինչ որ ալ ըլլան իրարմէ ունեցած տարբերութիւննին, մէկ տեսակէ և եթե նա այսինքն թէ նախնական մէկ ամոլէ և եթ յառաջ եկած կրնա՞ն նկատուիլ անոնք:

Ս. յս խնդիրը լուծելու համար գիտութեան միայն դիմեցինք և մեր սկզբունքը սա եղաւ թէ մարդս իւր նիւթական մարմնովք կենդանի (անասուն) մ'է, ոչ աւելի ոչ պակաս, թէ հետեւաբար, բոլոր այն ընդհանրական օրէնքները որոնց ենթարկուած են անասուք, մարդուս վրայ ալ կիշխեն, և թէ նա չկրնար խուսափիլ նոցա իշխանութեան ներքեւէն: Աւստի տեսակ թառին նշանակութիւնը հաս-

կրնալու համար չէ թէ միայն անասնոց դիմեցինք, այլ նաև տունկերուն, և այս կերպով՝ տեսակը «ցեղէն» որոշելու առաջնորդուեցանք :

Առանց վերստին մտնելու այն մանրամասնութեանց մէջ զորս արդէն յառաջ բերած եմ, դիւրին է հաստատել այս խտիրը . երբ տարբեր տեսակներէ ելող երկու անհատներ ամուսնացուցուին, գրեթէ միշտ ամուսնութիւնը տանու է, և եթէ առաջին ամուսնութիւնը արդէնաւոր ալ ըզայ, արտադրեալները թէ անմիջապէս, թէ մէկ քանի տարունդ է ետև ծննդակիան չեն ըլլար . և այս կերպով երկու զատ տեսակներու վերաբերող հօրմէ մը և մօրմէ մը արտադրուած երրորդ կարգի անհատներու գոյութիւնն մը չկրնար հաստատուիլ երկու տեսակներուն մէջ աեղը : Մեղէն մէջ բերած օրինակներս ծանօթ են ձեզ : Երբ էջ մը և գամբիկ մը, մատակ էջ մը և արու ձի մը մերձաւորին ջորի կը ծնանին, սակայն ջորիները չկրնալով արտադրել միշտ պէտք է էջու մը և գամբիկի մը գիմել ջորի ունենալու համար : Իսկ ընդհանրական երբ մի և նոյն տեսակէ ելող երկու ցեղերու վերաբերեալ երկու անհատներ աննշու ըլլանք, ասոնք արտաքին ձեւովին սրչասի ալ իրարմէ տարբեր ըլլան, իրենցմէ արտադրուած անհատը

Ծննդական կ'ըլլայ, և երկու ցեղերուն մէջ տեղը միջնական անհատներու ծնունդ կըրնայ տալ:

Իբր օրինակ, տարբեր ցեղերէ եղող շուներ, ոչխարներ, եզներ առի ինչ կերպ որ ալ ըլլայ շան մը մազը, գոյնը, ձեւը, հասակը, միշտ շուն կը մնայ. սոյնալէս ալ ինչ կերպ որ ալ ըլլան ձիու մը, եզան մը մեծութիւնը, գոյնը, ձեւը, միշտ ձի և եզ կը մնան: Այսպէս, երբ բարակ (թաղը) մը և զանգրամաղ շուն մը մերձաւորելու ըլլան ատենցմէ արտադրեալներն ալ արգասաւոր կըլլան և խառն ու ծննդաբեր ցեղեր կրնան գոյացուցուիլ:

Սոյնալէս և երբ արտադրին դանազան տարբերութիւններ ներկայացնող այսինքն սպիտակամորթ, սեւամորթ կամ սղոնձագոյն մարդիկ խառն կերպով ամուսնանալու ըլլան, այս ամուսնութիւններն արգիւնաւոր կըլլան: Հազարաւոր անդամներ փորձով տեսնուած այս իրողութեանն սա հետեւութիւնը կը հանենք թէ մարդկային մէկ տեսակ միայն կայ, և թէ մարդոց մէջ եղած տարբերութիւններն ցեղերու տարբերութիւններ են միայն:

Գարձեալ կըտես որ այս եզրակացութեան հասանք երբէք գիտութեան սահմանն դուրս չենելով: Այս յայտարարութիւնս կրկնելու

պէտք ալ ունիմ, վասն զի ասկէ ետեւ ըսե-  
լիքներուս համար ալ գիտնալու էք որ ամե-  
նեւին գիտութեան սահմանէն դուրս չպիտի  
ելնեմ, և այս սահմանն է միայն որուն կրնայ  
մերձենալ գիտութեանց հետեւող անձ մը հե-  
ղինակութեամբ :

«Մարդկային տեսակին միութիւնը» ա-  
պացուցուելէ ետեւ, գիմացնիս բազում խըն-  
դիրներ կ'ելնէն :

Առաջինն է մարդկային տեսակին հնու-  
թեան խնդիրը : Ամէն ժամանակ մարդ կա՞ր  
երկրիս վրայ : Անտանոց տեսակներուն հետ  
մէ՞կ ժամանակի մէջ երեւցաւ մարդս : Շատ  
հի՞ն է նա արդեօք երկրագունտիս վրայ : Ա-  
ստնք են այն առաջին խնդիրները որոնք մըտ-  
քերնիս կուգան :

Ամէն ժամանակ մարդ կա՞ր երկրիս վրայ :  
Ձեր մէջէն շատերը, անտարակոյս գիտեն  
արդէն ասոր պատասխանը : Երկրաբանու-  
թեան և հնարանութեան (paléontologie) դա-  
սատու ընկերակիցներս այս խնդիրներուն  
վրայ, հաւանականաբար, ձեզի խօսած են  
արդէն : Բաւական պիտի համարիմ յիշեցնել  
ձեզ այս խնդիրներուն վերաբերող ընդհա-  
նուր իրողութիւնները :

Չերմութեան՝ զանազան մարմիններու  
վրայ ունեցած ազդեցութիւնը սմենքդ ալ  
գիտէք. զօր օրինակ ամեւդ ալ գիտէք որ

մինչեւ այս ինչ աստիճան տարցած ջուրը  
չողի կը դառնայ : թէ երբ նա իւր ջերմու-  
թիւնը մինչեւ այս ինչ աստիճան կորսն-  
ցընելու ըլլայ հեղուկ կը դառնայ : թէ երբ ա-  
ւելի եւս պակսելու ըլլայ անոր ջերմութիւնը  
հաստատուն մարմին մը այսինքն սառ կը ձե-  
ւանայ : սառն ալ այն աստիճան հաստա-  
տուն կրնայ ըլլալ որ Ֆէթրպուրկի մէջ կարելի  
եղաւ անով պալատներ շինել : թնթանօթ-  
ներ շինել և արձակել : Գիտնալու էք որ ջեր-  
մութեան բաւական քանակութիւն մը կրնայ  
ամեն մարմին շողի դարձնել և բաւական  
պաղութիւն մալ կրնայ կարծրացնել զանոնք :  
Սրբ : աստղաբաշխական իրողութիւն-  
ներով ապացուցուածի պէս է որ երկիրս  
սառն մը իւր բոլոր պարունակած բաներովը  
և բոլոր այն նիւթերովը որոնցմէ նա (երկիրս)  
կը բաղկանայ, տարածութեան մէջ ծաւալեալ  
ընդարձակ շողի մ'էր : Սկզբնական ցրտու-  
թեամբ մը այն շողին հեղուկ դարձաւ և եր-  
կար ժամանակներ որոնց չափը չենք կրնար  
հասկնալ մեր երկրագունտը հրահալ ժայռե-  
րու և նիւթերու մեծատարած կոյտ մ'էր :  
Հարկ չկայ պնդելու որ այն ժամանակ  
երկրագունտիս վրայ ամենեւին կենդանի էակ  
հետեւաբար մարդ չկար :  
Յուրտը հեռոջեակէ կաւելնար, երկրա-  
գունտիս մակերեւոյթին վրայ թաղանթ (զար)

մը դոյացաւ և այս թաղանթը հետզհետէ  
թանձրացաւ, և այս է նախնական դեռին  
ըսուածը: Ս,յս նախնական դեռին վրայ  
երկար ժամանակներ ջուրն անդամ հեղուկ  
վիճակի մէջ չէր կրնար ըլլալ, և հետեւա-  
բար երկրագունտիս վրայ դէռ կենդանի էակ  
չկար, վասն զի ամեն էակ ջուրի կարօտ է,  
և ասկէց ալ կը հետեւի օր մարդ ալ չկար:  
Բայց ցրտութիւնը կը շարունակէր. մշտ-  
նորորտին մէջի շողին ջուր դասնադով երկ-  
րագունտս չըջապատուէր կենդանի վրայ դա-  
համթիւ եղաւ հեղեղարար, անդադաբարեկի  
ուժգնութեամբ քիմիական բնորոշման ործու-  
թիւններ (réaction) երեւան տեղան: Ս,յս ա-  
տենէն սկսան ձեւանալ տեղափոխման գե-  
տիւններ ըսուածը, և երկրագունտս երկրոր-  
դական ընտանձ ժամանակին մէջ մտաւ:  
այս կրնանք համարձակիլ ըսելու արդէն վայր-  
կեանէն, յարում ջուրը երկրագունտիս մա-  
կերեւոյթին վրայ հեղուկ վիճակի մէջ մնաց,  
կեանքն ալ սկսաւ յերեւան դալ: Հանքու-  
յին խիտ տաք ջուրերու մէջ անդամ ման-  
րադիտական այնպիսի բոյներ կը գտնուին  
որոնք դործարանաւոր և կենդանի են: Սա-  
կայն բնաւ կենդանի մը տակուին չէր կրն-  
նար սարիլ այնպիսի ջերմութեան մը մէջ  
օր կրնայ արբիւմինը (քիմիական նիւթ մըն  
է որ ձուի ձերմակին ընտանթիւնը ունի թանձ

բացնել : Անկէ ետեւ ցուրտը անդադար ա-  
ւելնալով , և ծովն ալ երկրագունտիս ամե-  
նամեծ մասը շրջագրատելով , աւելի կերպա-  
ւորեալ բուսականներ երեւեցան : Անկէ ե-  
տեւ խաղչն գրեթէ ամենքնալ ջրատուն կեն-  
դանիներ երեւան եկան որոնց մէջ կը յիշեմ  
ձեզ այն վիթխարի զեռունները որոնց սրա-  
կերը երբեմն կը տեսնէք Փարիզի սրատրու-  
վրայ իբր ծանուցում հրատարակութեանց  
տանց : Այստե ամենայնիւ ոչ ծնող ու ծիծ-  
ուտող կենդանիներն , և մարդս ասակալին  
չէին կրնար ապրիլ մեք երկրագունտին վրայ :  
Զուրտը կը շարունակէր , և բնութեան  
տակնուվրայութեանց հետեւանօքն անգամ  
ցամաք երկիրներ կը ձեւանային : Եղաւ մի-  
ջոց մը յորում երկրագունտիս վրայ այսօր  
գտնուող կենդանեաց և թռչնոց տեսակնե-  
րուն նման տեսակներ իրօք երեւեցան : Այն  
վայրկենին սկսաւ երբորդական ժամանակը :  
Այն ատեն շատ հաւանական է որ մարդիկ ալ  
կային : Քիչ մը ետքը սա հարցումը պիտի  
ընենք թէ այս երբորդական ժամանակին  
գոնէ վերջերը մարդիկ չկային արդեօք :  
Երկրագունտիս կեղեւին խախտումիւր  
ընենք կը բարձրանային ձորեր կը բացուե-  
ին ծովեր կը ցածնային , ցամաք երկիրներ  
կը ձեւանային , և երբորդական ժամանակին  
գէտ 'ի վերջերը երկրագունտիս կերպարան

քր այսօրուանին շատ կը նմանէր : Այն ատեն սխառ շորրորդական ժամանակը : Այս շորրորդական ժամանակը չափազանցապէս նշանաւոր երեւոյթ մը կը ներկայացնէ մեզ : Ս.Ռանց խօսելու տեղի ունեցած մանր փոփոխականութեանց մանրամասն պարագայից վրայ, մինչեւ ցարդ կերեւայ թէ երկիրս զրոյթէ կանոնաւոր կերպով կը պալեր, սկսելով այն ժամանակներէն որոնց մէջ նա (երկրագունտ) շոգիներու կոյտ մ'էր, մինչեւ երրորդական ժամանակները :

Չորրորդական ժամանակին մէջ եղաւ միջոց մը յորում թերեւս յանկարծական բայց խիստ նշանաւոր ցրտութիւն մը երեւան եկաւ և յետոյ աներեւութացաւ :

Ս.յս միջոցին, գունալիս գոնէ մէկ մասը և մասնաւորապէս Եւրոպան այսօրու ընէ՝ օւրելի պաղ էր, ասոր այսպէս ըլլալուն ապացոյցն են Սլովեան լեռանց սառնակոյտերն : Այս սառնակոյտերը, փոխանակ այսօրուան գանուած տեղերնին մնալու, Զուլցերիայի ձորերուն մեծ մասը կը լեցնէին, մինչև Ռօնի ձորին մէջ կիջնային, և այս ձորերուն մէկ ծայրին միւս ծայրը ժայտերու ահագին հատորներ սառելէն կը քշուէին մինչև դաշտերը և հոն կը մնային : Ասոնք են այսօրուան թափառիկ ժայտեր կոչուածները :

Չորրորդական ժամանակին մէջ այսօրուան

գտնուածներէն շատ տարբեր կենդանիներ  
կային Գաղղիոյ մէջ, որոնց մէջէն կը յիշեմ  
ձեզ այրերու մէջ բնակող այն մեծ արջը որ  
իւր հասակին խոշորութեամբը և դուրս ե-  
լած ճակատովը նշանաւոր էր. սոյն պէս և  
կը յիշեմ ձեզ բորենի մը. հարկաւ գիտէք որ  
մեր երկրին մէջ բորենի չկայ հիւսա, այս  
կենդանին աւելի տար երկիրներու մէջ կը  
գտնուի. ասոնց վրայ կ'աւելցնեմ սնդեղ-  
ջիւր մ' ալ: Մասնաւորապէս պիտի խօ-  
սիմ փիղի մը վրայ որուն ահաւասիկ պատ-  
կերը և որ կը կոչվի մամութ (mamouth):  
Ինչպէս որ կը տեսնէք, այս փիղը այժմու  
փիղերէն դիւրաւ կ'որոշվի նախ իւր հասա-  
կովը, վասն զի անոնցմէ աւելի մեծ էր,  
յետոյ ակռաներուն աւելի ծուռութեամբը,  
վերջապէս և մանաւանդ փոխանակ աժմու  
փիղերուն պէս մերկ մորթ մը ունենալու խիտ  
և երկայնամազ բուրդով մը ծածկուած էր  
նա: Ստոր ճիշտ այսպէս ըլլալը աղէկ գիտենք,  
վասն զի այս փիղը՝ իւր մորթը և մազերը  
ամբողջապէս պահած գտնուեցաւ: Ս. յ. և այլ  
անգամներ Սիպերիայի սառուցեալ կողմերը  
այս կենդանեաց դիակները գտնուեցան:  
Ս. յս երկրին (Սիպերիա) մէջ այնչափ շատ  
կայ այս, ինչպէս ռամկօրէն կ'ըսեն, անդ-  
րաջրհեղեղեան փիղերուն ակռաներէն որ  
գետնին տակէն հանուած փղոսկրի ստու-

տուրը եկամուտի մեծ ճիւղ մ'է և որուն մեծ  
նախաճառութիւնը Տէրութիւնը իրեն պատ-  
հած է :

Խիստ մասնաւոր կերպով մը ձեր ուշադ-  
րութիւնը այս փիլիսոս փրոց կը հրաւիրեմ,  
և հիմն սիրտի տեսնենք թէ ինչու համար :

Չորրորդական ժամանակը նախընթաց  
ժամանակներուն պէս վերջացաւ, և այն ատեն  
սկսաւ ներկայ ժամանակի որուն սկիզբն ի-  
վեր ցամաք երկիրները, բոյսերը, կենդանի  
ները այլ եւս մեծ փոփոխութիւններ չկրեցին :

Ներկայ ժամանակիս սկիզբէն մարդուս  
գոյութիւնը երբէք տարակուսի տակ չձր-  
ուեցաւ, և անոր երեւումը մինչեւ անդամ  
այս ժամանակիս մէկ յատկութիւնը համար-  
ուեցաւ : Բայց այս ժամանակին առաջ ալ  
մարդ կա՞ր արդեօք, կամ, սամիօրին խօ-  
սելով, անդրաջրհեղեղեան մարդ կա՞ր: Բե-  
րիչ բառերով և գիտնական լեզուն գործա-  
ծելով հարցնենք թէ մարդս ժամանակակից  
էր արդեօք այն կենդանեաց տեսակներուն  
որոնց մէջ կ'երեւի մամութը (փիլղ վիթ խարի):  
Այն կենդանեաց պէս կարելի՞ է արդեօք  
գտնալ փորագիււտ մարդ (դեռնին տակէն  
հանուած մարդու ոսկորներ) :

Այս է ահա այն խնդիրը որ զանազան  
անդամներ առաջարկուեցաւ, և որ երկար  
ժամանակներ բացասական կերպով լուծուե-

ցաւ : Մինչեւ այս վերջին ատեններս բնա-  
կան պատմութեան , երկրաբանութեան ,  
հնարանութեան մէջ խիստ նշանաւոր ան-  
ձինք այս կետին վրայ համաձայն էին , և  
բաւական կը համարիմ յիշեցնել ձեզ որ մաս-  
նաւորապէս Քլեյնի բնագետը երբէք չ'ըն-  
դուննեց փորագիւտ մարդուն գոյութիւնը :

Այսօր բազմադիմի և ճիշտ իրողութիւն-  
ներով այս խնդիրը բոլորովին հակառակ ե-  
ղանակաւ մը լուծելու ատշնորդ ունեցանք :  
Պարտաւորեալ ենք ընդունելու թէ՛ իրօք  
կայ փորագիւտ մարտ , թէ՛ մարդս ժուհա-  
նակակից եղած է քիչ մը ատաջ յիշած կեն-  
դանիներուս և մասնաւորապէս մասնութիւն :

Ստուգիլ անկաւ արդի ժամանակայն ա-  
մենէն գնդեցիկ գիւտերէն մէկն է : Այս գիւտը  
պատրաստուեցաւ խել մը իրողութեանց հե-  
տաւորութեամբ յԱնդրիս ՚ի Գերմանիա  
'ի Գաղլիա : Սակայն համապոլական և վճառ-  
դական տպացոյցները գտնելու պատիւը եր-  
կու Գաղլիացիներու կը վերաբերին անձբխ-  
տեղի կերպով , որոնք են Պ. Պուչէ տը Բէնթ  
և Պ. Էտուառ Լատթէ :

Պ. Պուչէ տը Բէնթ , Սպլիվլ քաղաքին  
նշանաւոր հնագէտը , իւր ծննդեան քաղա-  
քին բոլորովին եղող Մանչըուսի և Մուլն-  
Քինսօնի մէջ զանազան տեղերու պեղմանց  
հսկելով միեւնոյն ձեւով տաշուած քարեր

գտաւ : Մէկէն յայտնի եղաւ իրեն որ ասիկա դիւսուածի գործ չ'էր , այլ մարդկային ճարտարութիւնը այս քարերուն այս ձեւը տուած էր :

Արդ սա բանուած գայլախաղները (չաքմաք թաշը) այսինքն սա քարէ տասարները զոր կը անանէք , այնպիսի տեղերէ գտաւ նա ուր կային նա եւս փիղի ոսկորներ : Պ. Պուշէ ասկէ հետեւցող թէ այս քարերուն այս ձեւերը տուող մարդիկը ժամանակակից էին այն վիթխարի կենդանեաց որոնք չկան հիմայ :

Պ. Պուշէ տը Բէսթի հանած այս հետեւութիւնը 'ի սկզբան սաստիկ վիճարանութեան տակ ինկաւ : Մասնաւորապէս , երկրաբանութեան վերաբերեալ բաներու մէջ ամենատղիղ և ամենարարձր հեղինակութիւն ունեցող անձանց մէջէն ոմանք կարծեցին թէ տաշուած գայլախաղներուն և փիղերու ոսկորներուն մի և նոյն գետնակարգին (couche) մէջ 'ի միասին գտնուելուն պատճառը նոյն գետնակարգին խախտած ըլլալն է : Ասոնք կրսեն թէ առաջին գետնակարգ մը ձեւացած է . այսինքն այն գետնակարգը որ կը պարունակէր փիղի ոսկորները , թէ այս գետնակարգին վրայ ներկայ հինգերորդ ժամանակիս մէջ ապրեցան մարդիկ և իրենց իբր հետք ձգեցին այս տաշուած գայլախաղները :

Թէ յետոյ մեծ միրիկ մը ելաւ և այն տա-  
պարները և ոսկորները քչելով իրար խառ-  
նեց : Ահա այս պատճառաւ է որ , կրտեն ,  
այսօր զանոնք քովէ քով կը գտնենք , և մի  
և նոյն գեոնակարգին պարունակածները եր-  
կու բոլորովին տարրեր ժամանակներու (օրօ-  
յաք) մնացորդներն են :

Յիրաւի եթէ Մանչըուսի և Մուլէն-Ղին-  
եօնի այն գեոնակարգին մէջ այսօր մարդ-  
թաղուի և եթէ յետոյ միրիկ մ' ալ գալով  
այս տապարները և փղի ոսկորները այն մար-  
դոց ոսկորներուն հետ խառնելու ըլլայ , մեր  
թոռները զանոնք պմենք , ՚ի միասին պիտի  
գտնեն , սակայն այսօրուան մարդ իկը ձեզի  
ցոյց տուած տապարներու ժամանակակից  
չեն :

Այս առարկութիւնը խիստ զօրաւոր է ,  
մանաւանդ որ զայն հանուները ինչպէս որ  
քիչ մը առաջ ալ ըսի , երկրաբանութեան մէջ  
ամենաբարձր հեղինակութիւն ունեցող մար-  
դիկ են : Ահա այս պատճառաւ է որ այն-  
չասի մեծ կարեւորութիւն կուտամ այն իրու-  
ղութեանց զորս կը պարտաւորինք Պ. Ղա-  
թէի , իրողութիւնք որոնք նախընթաց նկա-  
տումներէն բոլորովին տարրեր բաներ են :

Պ. Ղաթէ Գաղղիոյ հարաւային կողմը ,  
Օռինեաքի մէջ այն հին ժամանակներէն մնա-  
ցած գերեզման մը գննեց . այս գերեզմանս

բլուրի մը մէկ կողման վրայ փորուած քարայր մ'է, այնպիսի բարձրութեամբ որ Ապրիլի ջրձակաները հետքերնին գտնուող հեղեղներն անգամ չեն կրցած մինչեւ հոն հասնիլ : Այս գերեզմանական քարայրը, գրանուած միջոցին, անկէ բաւական հեռուն գտնուող ժայռերէ առնուած քարէ կախարիչով մը գոցուած էր. ներսի կողմը 17 անձանց, այսինքն մարդու, կնկան, տղայոց ու կորներ գտնուեցան. կախարիչին առջեւն ալ կրակարանի մը մնացորդները նշմարուեցան : Աստիք ալ թաղման ճաշերու հետքերն էին զոր մեր երկրին պառճին բնակիչները սովորութիւն ունէին ընելու, ինչպէս որ հիմայ ալ այս սովորութիւնս Արտզայի ժողովրդոց ոմանց մէջ երբեմն կը գտնենք : Այս կրակարանին մոխիրներուն մէջ գտնուեցան կրակի նշան կրող ոսկերտալք, և վայրի կենդանեաց ազրեր : Արակէն կարմրած և մարդու ձեռքի նշան կրող այս ոսկորները արջի և ռնդեղջիւրի ոսկորներ էին. ազրերն ալ այս կենդանեաց ժամանակակից եղող սեասկ մը բորենիի ազր էին :

Հոս ահա կերեւի մարդս որ կուտէ այս կենդանիները, այսինքն իրեն կերակուր կըլլան այն կենդանիները որոնց իրեն հետ ժամանակակիցութիւնը ժխտուած էր :

Պ. Վառթէ իւր գեղեցիկ հետազոտու-

Թիւնները պատկեց Քաղզիոյ կեդրոնը քա-  
րայրի մը մէջ փղոսկրի կտոր մը գանձելով ու-  
րուն վրայ գծուած էր այն մամուլի շրոյ  
պատկերը ձեր աչքին առջեւը դրած եմ :  
Յայտնի է որ այն փղոսկրին վրայի պատկերը  
գծողը նոյն փղին հետ ժամանակակից ե-  
ղած է :

Պ. Վառթէյի գիւտերը տեսնելն էտեւ  
պէտք է որ փորագիւտ մարգուն գոյուլիւնը  
ընդունինք : այսինքն մեր տեսակին գոյակ-  
ցուլիւնը՝ այսօր կորսուած այն տեսակ կեն-  
դանեաց հետ որոնց վրայ քիչ մը յառաջ  
խօսեցայ :

Ս. յն տակէն ի վեր գտնուեցան ոչ միայն  
այն նախնական ճարտարութեանց հետքերը  
այլ նաեւ ծնօտներու բեկորներ , յետոյ ամ-  
բողջ դանկեր որոնցմով կարելի եղաւ մեր  
նախահարց յատկութիւնները իմանալ : Սա  
նշանակութեան արժանի բան է որ սա ձեզի  
ցուցցած քարէ գէներումն Քաղզիոյ մէջ  
փիղերու և անդեղջիւրներու հետ կռուող  
մարդիկը այսօր ալ Եւրոպայի մէջ մի և նոյն  
յատկութիւնները ներկայացնող սերունդներ  
ուենին :

Ըսել է որ չորրորդական ժամանակին մէջ  
մարդ կար : կարելի է արդեօք աւելի յա-  
ռաջ երթալ և երրորդական ժամանակին մէջ  
այլ մարդու գոյուլիւնը ընդունիլ : Արդ-

եօք ժամանակակից եղած է նա, ոչ միայն  
ունդեղջեր և մամուլի ն որոնց վրայ քիչ մը  
առաջ կը խօսէի ձեզի, այլ նաեւս ստոնցմէ  
ալ առաջ գտնուող կենդանեաց :

Այս խնդիրը յուզուելու շափ հասուն-  
ցած չ'է տակաւին: Մէկ քանի իրողութիւն-  
ներ այնպէս կը յուցնեն թէ մարդուս գո-  
յութիւնը կրնայ մինչեւ այդ հին ժամանակ-  
ները հասնիլ. բայց այսպիսի խնդրոց մը մէջ  
պէտք չէ համոզուելու փութալ, որպէս զի  
չլլայ թէ դեռ տարակուսելի կարծիք մը ըն-  
դունած ըլլանք. հետեւաբար այս մասին վի-  
ճարանութիւնը բաց պիտի համարինք :

Երկրագունտիս վրայ մարդուս գոյու-  
թիւնը մինչեւ ասկէց քիչ տակն առաջ կար-  
ծուածէն շատ կանուխ ըլլալը սպացուցուե-  
լէն յետոյ, բնականապէս սա հարցումը ը-  
նել կը հետեւի թէ կարելի՞ է արդեօք մար-  
դուս այս հնութեան ժամանակը թուով ցու-  
ցընել: Կրնանք առնչական գարադրութիւններ  
որոշել, բայց այս դարադրութիւններուն իւրա-  
քանջութիւն քանի տարիէ բազկացեալ ըլլալուն  
վրայ վճռողական բան մը չենք կրնար ըսել:  
Բայց և այնպէս այս փորձն ալ ընող եղաւ:  
Եիշակաւի գետնակարգի (couche de tourbe)  
մը ձեւացման համար պէտք եղած ժամա-  
նակը հաշուելով, քարի դար, սղնձի դար,  
և երկաթի դար ըսուած ժամանակաց ուսանց

տեւոլութեան չափը հասկնալու ջանացող-  
ներ եղան :

Քայց այս վտրծին ալ արդիւնքները իրար  
չըւնող բաներ ըլլալով , այս միջոցին խլատ  
անատոյգ ըլլալը ճանչնալ հարկ եղաւ :

Յետոյ Ալլուտան լերանց հեղեղներէն քրչ-  
ուած բեկորներու կոյտերու դիմուեցաւ ,  
մասնաւորապէս այն կոյտին որ թիննիէու-  
եան բուրդն անուամբ ծանօթ է : Երկաթուղի  
մը եկաւ կտրեց այն նիւթերը որոնք հա-  
ւանականաբար ներկայ ժամանակիս (հին-  
գերրորդ ժամանակ) սկիզբէն իսկը կը դիզ-  
ուէին , որոնց մէջ գտնուեցան այնպիսի բե-  
կորներ որոնցմէ ոմանք մինչեւ Ալլու-Հուով-  
մ, արան ժամանակը կը հասնին , այլք մին-  
չեւ Հուովնայեցւոց ժամանակը , կան որ մին-  
չեւ երկաթի դարը , ոմանք ալ մինչեւ պը-  
զննի , և քարի դարը կը հասնին :

Այս ժամանակաց (periode) ոմանց տե-  
ւոլութեան չափը ծանօթ ըլլալով , կար-  
ծուեցաւ թէ , պարզ հումեմատութեամբ մը ,  
գետնակարգաց թանձրութեանը նայելով  
կարելի էր ելնել մինչեւ բուրդին սկզբնա-  
կան կազմութեան ժամանակը : Քայց դարձ-  
եալ կ'ըսեմ թէ , այս վտրծին ալ արդիւնք-  
ներն այնքան անատոյգ եղան որ չենք կր-  
նար վստահութեան արժանի համարել զա-  
նոնք :

Ուրեմն չենք կրնար այս մասին ճիշտ թիւ մը տալ : Միսիայն այս հետազոտութեանց և այսօր ըստ բաւականին ապացուցուած հնադիտական իրողութեանց բովանդակութենէն կը հետեւի որ մարդու երկրագունտին վրայ դալուստը մինչեւ ասիէ քիչ ատեն առաջ կարծուածէն շատ աւելի կանուխ պէտք է համարել : Հիմայ այս վերջին փորձերէն մէկը միայն յիշեմ ձեզ :

Հարկաւ Արուեստահանդէս գացած և հոն Եգիպտական տաճարին մէջ մտած էք : Մրահին մէջ : Ներս մտնելու դռան դիմացը Կէլիքէն թաղաւորին արձանը տեսած էք : Այս արձանը Քրիստոսի թուականէն չուրջ 4000 տարի առաջ կար : Ըսել է որ ասիէ 6000 տարիի շափ առաջ շինուած է նա : Գիտնալու էք որ այն արձանին վրայ շատ դժուար աշխատութիւն կայ վասն զի քարը շատ կարծր է . բայց և այնպէս դարձր բաւական ճարտարութեամբ դրուխ ելած է : Հետեւաբար 6000 տարի առաջ Եգիպտոսի մէջ քաղաքակիրթութիւնը շատ յառաջ գացած է եղեր : Թէպէտ ասոր այսպէս ըլլալուն ուրիշ սպառցոյցներ ալ ունինք : Ուստի Եգիպտական մարդուն ծագումը պէտք է այս վեց հարար տարիներէն ալ աւելի առաջ համարիլ : Բայց հիմայ պիտի տեսնենք որ Եգիպտոս ողջ էր այն երկիրը ուր առաջին անգամ մարդու

բնակած է . հարկ եղած է որ մարդս իւր  
ծաղում առած տեղէն հոն գայ . հետեւարար  
երկրադունտիս վրայ անոր երեւումը առա-  
ւել քան զառաւելն կը հիննայ :

Արդ : աղէկ գլխենք այսօր որ շորրոյ-  
դական ժամանակին մէջ մարդ կար . կրնայ  
կարծուիլ որ երրորդական ժամանակին մէջ  
այ կար նա : Զմեզ այս եղբակացութեանց  
առաջնորդող իրողութիւնները մեր երկրին  
(Գաղղիա) մէջ ճանչցուեցան :

Մարդուս առաջին անդամ երեւցած տեղը  
արդեօք Գաղղիոյ մէջ Ասլը [իլլի կամ Օսինեա-  
քի շրջականերն են : — Ամենուրէք կը տես-  
նենք զայն այսօր : Միանդամայն ամե՞ն տեղ  
ծաղում առաւ նա , կամ թէ իւր ծաղ-  
ման ժամանակ երկրադունտիս մէկ մասնա-  
ւոր կէտին վրայ բնակեցաւ և յետոյ այն  
կէտե՞ն ամեն կողմ սարածուեցաւ : Եթէ  
այսպէս է , ո՞րն է արդեօք երկրիս այն ա-  
ռանձնաշնորհեալ կէտը որ ծնունդ տուաւ  
մարդուս : Ասոնք են ա՛նա մարդուս հնու-  
թեան խնդիրներէն ետեւ եկող խնդիրները :

Այս խնդիրներուն վրայ շատ վիճարա-  
նութիւններ եղած են . պնդողներ եղան ,  
և տակաւին պնդողներ կան թէ մարդս ծը-  
նունդ առած է ամենուրէք ուր որ կը գլու-  
նուի նա : Գործարանաւոր և կենդանի էա-  
կաց վրայ իշխող օրինաց լուրջ ուսումը և

խորին համառոտութիւնը բոլորովին տարբեր եղ-  
րակացութեան մը կ'առաջնորդեն :

Ար տեսնէք որ մինչեւ ցարդ մեզի ա-  
ռաջնորդութիւն ընող զիտութեանց չենք  
կրնար դիմել այս խնդրոյս մէջ : Այդ ամա-  
զըննութենէն և բնախօսութենէն բան մը չենք  
կրնար ուսանիլ ոչ մարդուս ծնունդ առած  
տեղերուն վրայ , ոչ անոր առաջին անդամ  
ցրուելուն կամ նախնական բնակութեան  
տեղին վրայ : Առզէ մարդս մէկ կէտի վրայ  
միայն երեւցած ըլլայ , կռզէ ամենուրէք  
միանգամայն , ասոր մէջ բնախօսութեան դէմ  
բան չկայ : Ապա ուրեմն այս խնդիրներուն  
հետազօտութեանը համար սէտք է բոլորովին  
ուրիշ կարգէ գաղափարներու և իրողութեանց  
հետամուտ ըլլալ , բայց առանց եղանակ  
(methode) փոխելու : Այտք է միշտ ուրիշ գոր-  
ծարանաւոր և կենդանի էակաց դիմել : Հոս  
մեզի առաջնորդ սխիտ ըլլայ բուսաբանական  
և կենդանաբանական աշխարհագրութիւնը :

Տունկերը և կենդանիները զիտուածա-  
կան կերպով բաշխուած չեն երկրիս վրայ :  
Անոնց բաշխումը որոշ օրինաց ենթարկուած  
է , և որովհետեւ կենդանի և գործարանա-  
ւոր էակները առ հասարակ միեւնոյն օրի-  
նաց ենթակայ են , սէտք է որ մարդս ալ  
կենդանեաց և տնկոց սէս աշխարհագրու-  
թեան օրինաց հետեւի :

Մըդ, բուսարանական կամ կենդանաբանական աշխարհագրութեան օրէնքներէն կիմանանք թէ զանազան տեղեր իրենց յատուկ կենդանեաց և բուսականաց տեսակներն ունին, թէ բոլոր երկրագունեաց իրենց յատուկ անասուններն և բոյսերն ունեցող այս ինչ թուով գաւառներու բաժնուած է: Այս տեսակ գաւառները «կեդրոն ստեղծման» կոչուած են:

Բնականաբար ասկէ կը հետեւէր մտածել թէ իւրաքանչիւր ստեղծման կեդրոնին իրեն յատուկ բուսականները և իրեն մասնաւոր կենդանիները ունենալուն պէս արդեօք իրեն մասնաւոր մարդն ալ չըւնէ՞ր: Բնադէտք ոմանք աւելի երեւութական քան թէ իրական մէկ քանի համադիսպոմներէ մտորուելով այս հարցման ստորաստական կերպով պատասխանեցին: Բայց այս խնդիրը մօտէն քննողը պիտի տեսնէ որ այդ անձինքը կը սխալին. վասն զի այսպիսի տեսութեամբ մարդս բոլոր գործարանաւոր և կենդանի էակաց մէջ միակ բացառութիւն մը կ'ըլլար: Աստի, ինչպէս որ դուք ալ գիտէք, ասոր այսպէս ըլլալը չենք ընդունիր: Մարդս պէտք է որ հնազանդի աշխարհագրական օրինաց ալ, ինչպէս որ բնախօսութեան օրինաց կը հնազանդի:

Չեզի ըսածս կատարելապէս անպարտաւոր-

նելու համար պէտք եղած բոլոր մանրա-  
մասնութեանց մէջ չեմ կրնար մտնել : Բա-  
ւական պիտի համարիմ երկու իրողութիւն-  
ներ որոնք կը յուսամ թէ զձեզ պիտի հա-  
մուզեն :

Սհաւաստիկ առաջինը չկայ անանկ բույ-  
սի տեսակ մը : չկայ անանկ կենդանեաց տե-  
սակ մը որոնք միանգամայն բոլոր երկրա-  
դունտիս վրայ գտնուին :

Սմենէն աւելի տարածուած տեսակներն  
անգամ երկրագունտիս մէկ փոքր մասին  
մէջ միայն կերելին և հարկ եղած է որ մար-  
դըս իւր հետը ասնի ոչ թէ միայն ինչ ինչ  
բուսականներ այլ նաեւս ինչ ինչ կենդանի-  
ներ որպէս զի այս օրուան պէս տարածուած  
ըլլան անոնք : Այս իմաստուն և կամաւոր  
միջամտութեան հակառակ , աղէկ դիտէք  
որ երկրագունտիս վրայ կան այնպիսի մար-  
դաբնակ կողմեր ուր չեն կրնար ապրիլ ոչ  
բուսականները որոնք ամենուրեք կ'ընկերա-  
նան մեզ ոչ ալ կենդանեաց մէջէն մէկ քա-  
նիները զորս մեզի հետ շատ կը տեղափա-  
խենք : Մարդս ընդհակառակն բառին բուն  
նշանակութեամբը աշխարհաքաղաքացի է ,  
այսինքն ամենուրեք կը գտնուի նա , թէ  
բեւեռային սառոյցներուն թէ հասարակա-  
ծին տակ :

Եթէ մարդս ծնունդ առած ըլլար ամե-

նուրէք ուր որ կը գտնուի նա , ասկէ արի-  
տի հետեւէր որ նա թէ բուսական թէ ա-  
նասնային բոլոր գործարանաւոր և կենդա-  
նի էակաց մէջ մէկ հատիկ բացառութիւն  
մը պիտի կազմէր :

Միայն այս պատճառարանութեամբ կը  
պարտաւորինք ընդունիլ դէթ սա թէ մար-  
դըս գաղթականութեան ճամբով երկրագուն-  
տիս գոնէ մէկ մասը բազմամարդ ըրաւ :

Միչոտ այն օրինաց գորութեամբ զորս հի-  
մայ յիշեցի ձեզ կրնանք աւելի հեռուն եր-  
թալ և ըսել թէ մարդս միակ և անձուկ կէ-  
տի մը վրայ ծնունդ առած է :

Յիրաւի , երբ կենդանիները զննելու ըլ-  
լանք , կը տեսնենք որ տեսակի մը (կենդան-  
եաց) բնակութեան տեղը այնչափ աւելի  
փոքր է որչափ որ այն տեսակը աւելի կա-  
տարելադործեալ և կենդանարանական շար-  
քին մէջ աւելի բարձր տեղ մը բռնած է :

Սակիս ոչ միայն տեսակաց համար ստոյգ-  
է այլ նոյն ինքն տիպարներուն համար ալ :

Քստի կենդանեաց մէջ մարդկային ձե-  
ւին ամենէն աւելի մտեցողը , ինչպէս որ  
դիտէք , կապիկն է : Ասպիկները երկրիս  
վրայ ամենէն շատ տարածուած կենդան-  
եաց կարգէն են . ոչ : Ասպիկները երկրիս  
ոչ ամենէն աւելի ցուրտ մասերուն մէջ կը  
գտնուին , ոչ ալ բարեխառն կողմերուն ա-

մենամեծ մասին մէջ, այլ երկրագունտիս  
ամենէն տաք կողմերը միայն կը գտնուին :  
Ասիէ զատ Ալլիլիանիայի մէկ մեծ մասին մէջ  
կապիկ մը չկայ :

Արդ, եթէ դիտելու ըլլանք կապիկներ  
րուն ոչ միայն տիպարը և ամբողջ խումբը  
այլ անոնց մէջէն ամենէն աւելի մեզի նմա-  
նող տեսակները միայն, պիտի տեսնենք որ  
ասոնց բնակութեան տեղին խիտ շատ ան-  
ձուկ է : Ամէրիկայի մէջ չկայ կապիկի տե-  
սակ մը որ Ափրիկէի կամ Ասիոյ մէջ ալ գրտ-  
նուի անկէ : Ամէնէն աւելի կատարելագործ-  
եալ կապիկներուն, այսինքն անոնց, որոնք  
մարդուս հետ ունեցած իրենց կոչո նմա-  
նութեանցը պատճառաւ մարդակերպ կը կոչ-  
ուին, բնակութեան տեղը առաւել եւս սահ-  
մանաւոր և չափազանց անձուկ է : Այսպէս  
ալ Օւանկ-ութանը, որ մեզի նախահայր  
ընել ուղուեցաւ, միայն Պոռնէօ կղզին, կամ  
առ առաւելն թերեւս Սումատրա կղզին կը  
գտնուի. Առիլն ալ որ իւր մարմնոյն ընդ-  
հանուր յարմարութիւններովը մարդուս շատ  
ճօանցող կապիկներուն տեսակներէն մէկն  
է, Ափրիկէի արեւմտեան կողմերը չափաւոր  
մասի մը մէջ կը բնակի :

Արդ մարդս ամենուրէք է, և սակայն,  
իւր մարմնոյն նրատմամբ ալ, կապիկներէն  
շատ գեր ի վեր է : Մարդս է միայն որ ի-

բականապէս ձեռք ունի այն սքանչելի դործիքները զորս շատ աղէկ դիտէք գործածելը նա է միայն որ ունի ուղեղ մը որուն կառուարելութիւնը մեր գանկին մեծութենէն կիմացուի : Առանց խօսելու մարդուս ուրիշ յատկութեանցը վրայ , նա յայտնապէս գերի վեր է բոլոր կապիկի տեսակներէն իւր ձեռքերովը , և ուղեղովը :

Աստի մինչդեռ կապիկը որ նմանութեամբ մեզմէ շատ հեռու ըլլալովը հանդերձ մեզի ամենէն աւելի մօտեցող կենդանին է , բնակութեան բոլորովին անձուկ սահման մը ունի , միթէ մարդս , որ ամեննէն աղնիւ և գերազոյն էական է , միանգամայն ամենուրէ՛ք ծնունդ առած է : Յայտնի է , Պարոնայք , որ իրողութեանց այսպիսի մեկնութիւն մը տալ և ընդունիլը զմարդ բոլոր գործարանաւոր էական մէջ միակ բացառութիւն մը ընել է , հետեւութիւն մը զորս գարձեալ կրտսմ , չենք ընդունիր երբէք :

Հիմայ կը տեսնէք որ առաջնորդուեցանք ընդունելու ոչ միայն՝ մարդուս երկրագունտիս մէկ կէտին վրայ միայն ծնունդ առած ըլլալը , այլ նաեւս նայն կէտին շատ անձուկ , շատ քիչ տարածութիւն ունեցած ըլլալը : Այն կէտը թէ Առիւնբուն թէ Օսանկ-ութաններուն բնակութեանը հասար մեր նկատած տեղէն , շատ հաւանական է որ , աւելի մեծ չէր :

Վարելի՞ է աւելի հեռուն երթալ և գտնել  
 երկրագունտիս այն մասնաւոր կէտը ուր  
 ծնունդ առած է այն մէնաշնորհ տեսակը որ  
 անկէ ելնելով բոլոր երկիրս գրաւած է այսօր  
 Անտարակոյս այս հարցման նախնիք այ հարց-  
 մանց պէս շէքը կրնար ստոյգ պատասխան  
 մը տալ . բայց ներելի է մեզ բաւական զօ-  
 րաւոր հաւանականութիւններու վրայ հիմ-  
 նեալ պատասխան մը տալ : Ամեն բան անանկ  
 կը ցուցնէ որ այն կէտը՝ յորում մարդս ե-  
 րեւեցաւ , և ուրիշ յետոյ երկրագունտիս  
 վրայ տարածուեցաւ : Ստիոյ կեդրոնը տեղ  
 մըն էր :

Զմեզ այս հետեւութեան առաջնորդող  
 պատճառները շատ տեսակ են . բաւական կը  
 համարիմ հետեւեալ երկուքը միայն ցոյց տալ :

Ինչպէս որ կը տեսնէք , սա աշխարհացոյց  
 տախտակին վրայ Ասիոյ ճիշտ մէջ տեղը դըժ-  
 ուած լեւնակոյտին բոլորտիքը կը գտնենք  
 մարդկային երեք հիմնական տիպարները .  
 այն է սեւամորթ մարդը , պղնձագոյն մարդը  
 և սպիտակ մարդը : Սեւամորթներն բաւական  
 հեռացած են այսօր այն տեղէն : Սակայն ա-  
 օտնցմէ տակաւին կը գտնուին Մալաքքայի  
 թերակղզոյն , և Անտաման կղզիներուն մէջ :  
 Այս սեւամորթներուն հետքերը կը գտնենք  
 տակաւին Ասիոյ արեւելեան կողմը , Ծորմոզ  
 կղզոյն մէջ , Ճարոնի հարաւային կողմը , և

Յիվիսական կողեանց մէջ . Մէլանէզեան մասնաւորապէս ասոնցն է : Պղնձագոյններն Ասիոյ գրէթէ բոլոր Արեւելեան հարստային մասը և նաեւս կեդրոնը բռնած են : Եւ վերջապէս գիտեմք որ այսօր ամենուրէք տարածուած սպիտակ և մեծ ցեղը , որ արիական կը կոչուի , և որուն մենք ալ կը վերաբերինք , այս կեդրոնական լեռնակոյտէն ելած է : Մեր յիշած մարդկային առաւել կամ նուազ անխառն խումբերը բարմաթիւ միջնական ցեղերու միջոցաւ իրարու հետ կապուած են :

Այս լեռնակոյտին բոլորովքը գտնուող մարդիկը միայն դէմքերովնին , և հիմնական ֆիզիքական տիպարներովնին չէ որ կը թուի թէ իրարու կը մօտենան , և իրարու մէջ կը ձուլուին , սյլ նաեւս միեւնոյն լեռնակոյտին բոլորովքը կը տեսնենք մարդկային լեզուի երեք հիմնական տիպարները , այսինքն մարդուս միտքը ներկայացնող ամենէն զարմանալի բանը :

Ետքը պիտի խօսինք այս խնդրոյս վրայ , բայց այսօրուրնէ կրնամ ըսել ձեզ որ մարդուս լեզուն երեք հիմնական ձեւերու բաժնուած է , որոնք են միավանկ լեզուները որոնց մէջ իւրաքանչիւր բառ մէկ վանկէ կը բաղկանայ . կցողական լեզուները որոնց մէջ բառերը իրարու կը կցուին , և վերջապէս դիւրադէկ լեզուները որոնք ընդհանրապէս Եւ-

բոսպայի մէջ մեր խօսած լեզուներուն կը նըս  
մանին :

Արդ Ասիոյ կեդրոնական լեռնակոյտին  
շուրջը , բոլոր Չինաստանի կայսրութեան մէջ  
կը խօսուի ամենէն ընտիր միախանկ լեզուն  
հիւսիսի կողմը կայ ժողովուրդներու բովան-  
գակութիւն մը որոնք կցողական (agglutinatif)  
ըսուած լեզուները կը խօսին , և մինչեւ Եւ-  
րոպա կը տարածուին : Հոն է դարձեալ ա-  
րիական ցեղին բնական բոլոր մասը ուր կը  
խօսուին դիւրագէկ լեզուները :

Ահա այսպէս Ասիոյ կեդրոնական լեռնա-  
կոյտին բոլորտիքը մարդկային երեք հիմնա-  
կան ֆիզիքական տիպարներուն պէս կը տես-  
նուին նաեւ երեք լեզուական տիպարները :  
Ար թուի թէ մարդս իւր ծնունդ առած տե-  
ղէն գրէթէ ելնելուն պէս ներկայացուց բո-  
լոր այն հիմնական փոխութիւնները զորս  
կրնար կրել :

Կացնիմ ուրիշ խնդրոյ մը : Մարդս մի-  
ակ և անձուկ կէտէ մը ելնելով բոլոր երկ-  
րագունտիս վրայ տարածուեցաւ . հետեւա-  
բար գաղթականութեամբ բազմամարդեց  
նա երկիրս : Ասկիւ գիտութեան ձեռքով  
ճանչցուած նոր իրողութեանց բունի հետե-  
ւութիւնն է :

Քայց զերկիրս մարդաշատ ընելու համար  
հարկաւոր եղող մարդկային գաղթականու-

Թիւնները իրօք կարելի՞ Բան են: Այս հարցման , ոչ , պատասխանողներ եղան , և դայտ բացասութիւնս ձեզի ցոյց տուած գաղափարներուս դէմ առարկութիւն մը ըրին :

Ես իմ մասիս կը խոստովանիմ որ այս առարկութիւնը միշտ զարմանալի թուեցաւ ինձ : Չէ՞ որ թէ ուրիշ ազգաց և թէ մասնաւորապէս մեր ազգին պատմութեանը մէջ չու և գաղթականութիւն կը գտնենք :

Որչափ դէպ 'ի յառաջ հին ժամանակները երթանք ժողովուրդները երկրիս վրայ մէկ կողմէն միւս կողմը շարժման մէջ կը տեսնենք: Ուստի պարզապէս մարդս իւր գտնուած տեղը բնակած է միշտ ըսելը բոլոր պատմութեանց դէմ հակասութեան մէջ մտնել է :

Բայց և այնպէս պնդողներ եղան թէ կան այնպիսի չուեր որոնք մարդկային կարողութիւններէն վեր են : Երկու օրինակ բաւական պիտի համարիմ ձեզի ցուցնելու համար որ չուերը (migration) միշտ կարելի եղած են , մինչեւ անգամ այն ատենն ալ երբ այնպիսի դժուարութեանց մէջ կատարուած են որ կարծես թէ դանոնք (չուերը) արգիլելու համար հանուած են այն դժուարութիւնները :

Չուերուն մէջ կան որ ցամաքի ճամբով կըլլան , կան որ ծովի ճամբով :

Ցամաքային չուերուն գալով , շատ յայտնի է որ եթէ մարդուս մաքառելիքը միայն ֆի-

գիքական բնութեան դէմ է, մանաւանդ եւ թէ կրցած է ժամանակն ալ աղէկ ընտրել : բան մը չկրնար կասեցնել զայն : Բայց կ'աւելցնեմ ըսել թէ բոլոր դժուարութիւնները միացած, ասոնց մէջ ըլլալով ոչ թէ միայն բնութեան խտութիւնները, այլ նաեւ մարդը կայնեցնելու կարող եղող միայն մարդուն հանած արդելքներն ալ, եթէ անոր դէմ ելնեն, դարձեալ կանցնի կերթայ նա :

Ըսածներուս օրինակ ըլլալու համար պատմութենէն քաղուած եղելով թիւն մը պատմեմ ձեզ :

Ըստ Չինաց պատմութեան, 1616 թուականին ատենները Խալիուխներու հրոս մը, չենք գիտեր ինչ պատճառաւ, Չինաստանի սահմանակից դաւառներէն ելնելով բոլոր Ասիոյ մէջ տեղէն անցաւ և Ալդիայի գետերաց վրայ բնակութիւն հաստատեց : Հոն Ռուսիոյ վեհապետութիւնը ընդունեց, և մէկ դարէն աւելի ժամանակ սոյն կայսրութեան մեծամեծ ծառայութիւններ քրաւ : Բայց եկաւ ժամանակ մը յորում Ռուսիոյ լուծը երթալով ծանր կուգար Խալիուխներուն :

Այս լուծէն ազատելու համար որոշեցին զաղթել և իրենց նախնեաց հայրենիքը վերադառնալ : Այս հրոսը Ալդիա գետին երկու եզերաց վրայ բաժնուած էր, և նշանակեալ ակզ մը երկու մասերուն միացումը

կարելի ըլլալու համար որոշուած էր որ ձմեռուան սաստիկ ժամանակը ճամբայ ելնեն, որպէս զի սառոյցը այն աստիճան զօրաւոր ըլլայ որ գետին աջ կողմը գտնուողները կարենան ձախ կողմը անցնիլ: Արոչեալ՝ օրը բոլոր ձախ եզերքի ժողովուրդը 'ի մի վայր հաւաքեցաւ: Բայց անծանօթ պատճառաւ մը աջ եզերքի ժողովուրդները չիրցան ժամադրութեան տեղը գտնուիլ: Բայց և այնպէս գաղթողաց թիւը այնչափ մեծ էր որ միայն կանանց և տղայոց թիւը երկու հարիւր յիսուն հազարէն աւելի էր: Ասոնց վերջապահը ութսուն հազար ընտիր ճիւղերն էին կը բաղկանար: Ար տեսնէ՞ք որ ամբողջ ազգ մըն էր այս:

Գաղթողաց դիւսաւորները իրենց ճամբայ ելած օրէն հասկեցան որ անապարելու էր, որովհետեւ Ռուսիոյ կառավարութիւնը ասոնց մեկնելուն լուրը առածին պէս հրաման ըրաւ որ այս փախստականներուն ետեւէն լցնուի: Իսկոյն կանոնաւոր զօրաց բանակ մը գումարուեցաւ, և խաղախներու անհամար բազմութիւն մը առջեւը ձգելով յառաջ խաղաց: Խաղախներուն անհաշտ թշնամի եղող խաղախները գաղթողաց խումբէն փոքր ինչ հեռացողը կ'սպրաննէին: Վերջապէս բոլոր այս ժողովուրդը 1771 Յունուար 5ին ճամբայ ելնելով և սա գաւառներէն անցնե-

լով դոր կը յուցնեմ ձեզ այս տեղ : սեպտեմբեր  
բեր ամսոյն մէջ Չինաստանի սահմանները  
հատու :

Այս թափառական հրոսը եօթը հարիւր  
փարսակէն աւելի տեղ ըրած այս երկար ճա-  
նապարհորդութեանը մէջ Ռուսաց բանակէն  
անդադար հալածուեցաւ : սպարտաւորեալ  
ընկալով միշտ բռնաքայլ յառաջ երթալու :  
Թշնամի ժողովրդոց մէջէն իրեն ճամբայ բա-  
նալու : շարունակ հալածուելով և նեղուե-  
լով ոչ թէ միայն խաղախներէն այլ նաեւ այս  
գաւառներուն ամենէն վայրագ : և ամենէն  
պատերազմասէր բնակիչները եղող խորխու-  
ներէն և Պաքիստանէն որոնք վայրկեան մը  
անգամ հանդարտ շօտուցին այս գաղթա-  
կանները :

Մոռցայ ձեզի ըսելու թէ ձմեռը որ այս  
կողմերը միշտ սառտիկ կըլլայ, այն տարին ար-  
տաքոյ կարգի կերպով սառտիկ եղաւ, անանկ  
որ ձմեռուան առջի օրերէն բոլոր գրաստ-  
ներնին սառապեցան և քիչ մը տաքնալու հա-  
մար հարկադրուեցան վրաններնին վառել :  
Ռուսի կին, տղայ, ծեր և մինչեւ անգամ ե-  
րիտասարդ մարդիկ հաղարներով կը մեռնէին  
ցրտէն : Այս ժողովրդեան ճանապարհոր-  
դութիւնը Պարզիական բանակին Ռուսաս-  
տանէն նահանջելուն նմանեցաւ : սա տար-  
բերութեամբ որ խալսուխները իրենց կնիկ

ներովը և տղաքներովը կը գաղթէին և հե-  
տեւարարանոնց աղէտքը խիստ տարբեր կեր-  
պով սոսկալի եղաւ :

Չմեռուան յաջորդեց ամառը, և որչափ  
նեղուեցան ցրտէն նոյնչափ ալ նեղուեցան  
տարէն մանաւանդ ջրի պակասութենէն: Բա-  
լոր այս ժողովուրդը անգամ մը լիճ մը տես-  
նելով ցրուեցաւ գնաց զինքը պապակեցնող  
ժարաւը յագեցնելու համար: Արջապահ  
խումբն անգամ չի կրցաւ գիմանալ: Պա-  
քիրներն և խորխորակներն օգուտ քաղեցին այս  
անկարգութենէն և այս ցրուեալ բաղմո-  
թեան վրայ յարձակելով սկսան զանոնք սրոյ  
ճարակ ընել: Բարեբաղդարսար Քիէն - Լօնկ  
որսի ելեր էր այն կողմերը և ինչպէս որ որ-  
սորդութեան մէջ Չինաց կայսրերուն սովո-  
րութիւնն է, հեան ունէր կատարեալ զօ-  
րաբանակ մը բազմաթիւ թնթանօգի մարտ-  
կոցներով:

Թնթանօգիներէն մէկ քանիները ուղղել  
տուաւ խորխորակներուն և Պաքիրներուն վրայ:  
Խաբուխները ինքզինքնին ժողվելով սկսան  
թշնամեաց դէմ գնել և տասնկով այս ժո-  
ղովրդեան մնացորդը ազատեցաւ: Կայսրը  
ստոնց իսկոյն ուտեստ և հագուստ տուաւ յե-  
տոյ երկիր ալ տուաւ անոնց ուր մինչեւ ցայ-  
օր կը բնակի իրենց սերունդը:  
Նաեւ չմուսանք ըսելու որ Քիէն - Լօնկ

կոթող մը կանգնել տուաւ այն տեղը, ուր այս պատահումը տեղի ունեցած էր: Այս կոթողին վրայ շատ պարզ խօսքերով արձանագրութիւն մը կայ որ կը յիշեցնէ թէ Քիւէն-Լօնկ հոն ազատեց ամբողջ ազգ մը: Արձանագրութիւնը սա խօսքերով կը վերջանայ: «Թող յաւիտեան սուրբ համարուի այս տեղը»: Պարոնայք, սխալած չսխալուի ըլլամ եթէ ըսեմ թէ դուք ալ կ'ընկերանաք Չինաց կայսրութեան ամենէն մեծ վեհապետներէն մէկուն այս բաղձանացը: Այն տեղը ուր ամբողջ ազգ մը կը փրկուի նուիրագործութեամբ արժանի է առաւել քան զայն տեղը ուր հազարաւոր մարդկանց արեամբը գնուած ամենափառաւոր յաղթութիւն մը ձեռք կը բերուի:

Ճամանակը կ'անցնի, ուստի դադրեալ կանութեանց այս օգտաւէտ խնդրոյն վրայ ուղածիս չափ չեմ կրնար երկայն խօսիլ: Բաւական կը համարիմ ինձ ծովային դադրեալ կանութեան օրինակ մը տալ ձեզ: Այս օրինակս սա պատճառաւ աւելի աչքի կը զարնէ որ այնպիսի ժողովուրդներէ առնուած է որոնցմով միշտ ուզուած է ապացուցանել թէ մարդս ուր որ կը գտնուի հոն ծնունդ առած է: Աւստի երկրագունտիս այն կէտերէն մէկուն վրայ պիտի խօսիմ որոնց՝ դադրեալ կանութեամբ մարդաբնակ եղած ըլլալը խիստ

կատարեալ կերպով ապացուցուած է: Խօսքս  
Յօլինէզիայի վրայ է:

Յօլինէզեան երկրիս այն մասն է՝ զոր ահա  
ցոյց կուտամ ձեզ: Ար տեսնէք որ Խաղաղական  
Ովկիանոսին մէկ մեծ մասը բռնած է նա, և կը  
գտնուի այն եռանկեան մէջ որ: Սանտուիչ կըղ-  
զիներէն մինչեւ Նոր Զէլանտա և Բաք կղզին,  
կըր թուով հազար ութ հարիւր փարսախ  
չըջապատ ունի: Այս լայնատարած միջոցին  
մէջ ցրուած կղզիները հազիւ թէ Բարիդի Քոն-  
քուտիոյ հրապարակին մէջ տեղը աւազի հատի  
չափ բաներ են: Այս կղզիներուն մէջ կան որ  
Բարիդէն քիչ փոքր են: Մասնաւորապէս Բաք  
կղզին որ այն եռանկեան ծայրերէն մէկը կը  
կազմէ, ճիշտ հին Բարիդի չափ տարածութիւն,  
այսինքն 23 հազար մէթրօ չըջապատ ունի:

Կրնաք հասկնալ որ ասանկ ընդարձակ  
ծովի մը մէջ այսպիսի տարածութեամբ կըղզի  
մը որչափ փոքր բան է, սակայն աւելի մանր  
կղզիներ ալ կան որոնք նոյնպէս բազմամարդ-  
են: Այն փաստը որ այս վիճակէն կը հանէին ու-  
մանք, շատ զօրաւոր կը թուէր: Ի՞նչպէս կրնայ  
ըլլալ որ, կ'ըսէին, ամենեւին նաւարկութեան  
կատարելագործեալ միջոց չունեցող վայրենի-  
ներ այսչափ ընդարձակ ծովերուն մէջ կրցեր  
են կղզիէ կղզի անցնիլ: Ի՞նչպէս ցամաքի մը  
մէկ ծայրն անգամ պատահելէ առաջ չեն  
կորսուեր այն անհուն տարածութեան մէջ:

Գծբաղդարար չեմ կրնար մտնել այն ինչ  
 թողութեանց մանրամասն պարագայից մէջ  
 որոնք կապացուցանեն թէ որչափ սխալ է  
 այս անձանց բրած պատճառարանութիւնք  
 Բաւական կը համարիմ ինձ ձեզի ըսել որ այս  
 սօր ոչ թէ միայն Բօլինէզիայի բնակչաց ու-  
 թիչ տեղէ եկած ըլլալը գիտենք այլ նաեւ  
 գիտենք որ անոնք Հնդկաց Արշիպէղադոսէն  
 դացած են հոն : Ասկէց զատ անոնց ինչ  
 ճամբաներով դաղթած ըլլանին ալ գիտենք  
 և կրցած ենք անոնց աշխարհագրական տախ-  
 տակն ալ շինել : Սա ալ կայ որ այս գաղ-  
 թականութեանց տեղի ունեցած ժամանակն  
 ալ կրցած ենք գտնել պատմական ճշգրիտ  
 յիշատակարաններու միջոցաւ , որոնք այն-  
 չափ յստակ են որչափ այն յիշատակարան-  
 ները սրոնցմով կրնանք մեր միջին դարու  
 պատմութիւնը յօրինել :

Այս ժողովուրդները Ասիայէն եկած են  
 Ասոնք ճամբայ ելնելով Հնդկաց Արշիպէղա-  
 դոսի մէկ կէտէն , զոր կրնանք մերձաւորա-  
 պէս ցոյց տալ , մեր թուականին առջի տա-  
 րիները կամ անոր սկիզբէն մէկ քանի տարի  
 առաջ , եկան հասան Մարգիզեան կղզիները :  
 Աւելի ստույգ կերպով գիտենք նա և որ Նոր-  
 Զելանտայի դաղթականութիւնը , այսինքն  
 Բօլինէզիայի այն մասին որ բոլորովին միւս  
 մասերէն զատ տեղմն է , թե դարու առջի

տարիները տեղի ունեցած է : և Չաթամ  
կղզիները բաղմամարդելու համար Նոր - Չէ -  
լանտայէն մեկնած դաղթականութիւնն ալ  
գար մը հազիւ կայ որ տեղի ունեցաւ :

Հոս նշանակութեան արժանի իրողութիւն  
մը կը ներկայանայ : Արդ այս ժողովուրդները  
եկան բնակութիւն հաստատեցին այս կղզի-  
ներուն մէջ , բոլորովին ամայի էին ասոնք :  
Այս ամայութեամբն անգամ դաղթականաց  
այն տեղերը հաստատուիլը դիւրացաւ : Եթէ  
Խալմուխները , որոնց պատմութիւնը քիչ մը  
առաջ ըրի ձեզ , այնքան նեղութիւն քաշե-  
ցին , ասոր պատճառը իրենց ճամբուն վրայ  
մարդ գտնուիլն էր : Մեր օրերն անգամ Ափ-  
րիկէի մէջ տեղերէն անցնիլը դժուար է :  
ինչպէս որ Թոմսոյութեւյի ճանապարհորդու-  
թիւնը այնչափ սրտտ ճանապարհորդներուն  
մահուանը պատճառ եղաւ վասն զի Թուա-  
րէկները ճամբան կը կտրեն :

Որչափ քննենք այնչափ աւելի կը տես-  
նենք որ երկրիս վրայ մարդս կրնայ ամեն  
դժուարութեանց յաղթել , քանի որ այդ  
դժուարութիւնները լսի բնութեան կողմանէ  
են : Մարդս միայն մարդոց պատահած ժա-  
մանակը կանգ առնել կը պարտաւորի : Ար-  
ջապէս մարդս կեցնողը մարդն է :

Կուզեմ նաեւս մէկ քանի խօսք ընել ձեզ  
վերջնական խնդրոյ մը վրայօք որ բնակա-

նաբար կը ծագի այն խնդրէն որուն վրայ  
կարճառօտ կերպով խօսեցայ ձեզ :

Տեսանք որ մարդս երկրագունտիս մէկ  
մասնաւոր կէտէն ելնելով այսօր ամենուրէք  
տարածուած է : Հետեւաբար մարդս իւր այն-  
չափ երկար և բազմադիմի ճանապարհոր-  
դութեանց մէջ ամենախիստ կլիմաներու և  
իրարու բոլորովին ներհակ կեցութեան պայ-  
մաններու հանդիպած է , բայց ասոնց ամե-  
նուն ալ կրցած է յարմարիլ : Միթէ ասկէց  
կը հետեւի որ եթէ մէկը , զօրօրինակ Եւ-  
րոպացի մը , երկրիս մէկ ուրիշ կողմը երթայ  
և բնակութիւն հաստատէ , պիտի կարենայ  
անմիջապէս յաջողիլ հոն . ոչ : Պէտք է որ  
նա իւր գացած տեղի կլիմային ընտելանայ ,  
և դիւրութեամբ կը հասկցուի որ այսպէս  
ըլլալու է : Մարդուս մարմինը ո՛ր գոյութեան  
պայմաններուն մէջ կազմուած է նէ նոյն  
պայմաններուն հետ ներդաշնակութեան մէջ  
կըլլայ : Եթէ նա այս պայմանները փոխէ ,  
մասնաւանդ եթէ մէկէն ՚ի մէկ փոխէ , յայտնի  
է որ գործարանական դրութիւնը բաղխում  
մը կը կրէ , և այս բաղխումէն հիւանդութիւն-  
ներ և մինչեւ անգամ մահ յառաջ կուգան :  
Փորձով գիտենք որ եթէ գաղթականու-  
թիւն մը ցուրտ կլիմաներէն դէս ՚ի տաք  
կլիմաները տեղի ունենայ հիւանդութիւն-  
ները աւելի ծանր կ'ըլլան , և ստէպ կը պա-

տահին : Ասկէ խել մը բժիշկներ և մարդած  
բաններ սա հետեւութիւնը հանեցին թէ երկ-  
րագոռնտիս վրայ այնպիսի գաւառներ կան  
որոնց մէջ Եւրոպացի մը ոչ կրնայ բնակիլ ոչ  
կրնայ երբէք երջանիկ ըլլալ և բազմանալ :  
Ոմանք աւելի հեռուն երթալով կարծեցին թէ  
մարդիկ իրենց ծնած տեղը միայն կրնան ա-  
ծիլ, անանկ որ, ասոնց ըսածին նայելով,  
Գաղղիացին մինակ Գաղղիոյ մէջ, Անդղիացին  
մինակ Անդղիոյ մէջ, Հոլանտացին մինակ  
Հոլանտայի մէջ և կրնան իրապէս ապրիլ :

Այս չափազանցութիւնս հերքուելու կա-  
րօտ չէ : Զանազան տեղեր ունեցած գաղ-  
թականութիւններնիս արդէն բաւականապէս  
կը հերքեն զայն : Աղէկ գիտենք որ երկրիս  
վրայ այնպիսի տեղեր կան որոնց կլիմաներուն  
Եւրոպացին անմիջապէս կ'ընտելանայ ոչ ա-  
ռանց քիչ շատ զոչողութեանց : Օրինակի հա-  
մար կը յիշեմ ձեզ Քանատայի Աքատիս նա-  
հանգը ուր առաջին անգամ վաթսունի չափ  
Գաղղիացի ընտանիք գացին բնակութիւն  
հաստատեցին . շատ քիչ ժամանակէ ետեւ  
այս նահանգիս բնակչաց թիւը հազարներու  
ելաւ : Նաեւս կրնամ յիշել Քարի, Աւստրա-  
լիայի, և Պուէնկուայրէսի մէջ ամեն օր պա-  
տահած բաները . . . :

Ինչպէս որ կը տեսնէք երկու կիսագոռնա-  
ծերուն մէջ, ամեն կլիմայի ներքեւ Եւրո-

պացիք կը յաջողին, կը բաղմանան, և կաշխատին ինչպէս Եւրոպայի մէջ: Այսու ամենայնիւ կան այնպիսի տեղուանք ալ որոնց նայելով խնդրոյս լուծումը աւելի եւս կը դժուարանայ և որոնց կլիմաները Եւրոպացոցոց համար մահաբեր համարուած են: Այսպիսի տեղերուն մէջէն մասնաւորապէս կը յիշեմ ձեզ Ալրիկէի արեւմտեան ծովակողմը Սէնէկալի և մանաւանդ Կապոնի գաղթականութիւններնիս, Ամէրիկայի մէջ Անթիլեան կղզիները, Կուատալուբան և Մարթինիկը, յետոյ Գաղղիական Կուինեան . . . : Ճէզայիրն ալ այս մասին սաստիկ փիճաբանութեանց տեղի տուած է: Հարկաւ դուք եւս արժան կը համարիք որ Ճէզայիրի վրայ քիչ մը երկար խօսիմ, այս երկրիս մեզ ամենուս համար մասնաւոր շահեր ներկայացընելուն համար:

Այս երկրին տիրելնուս պէս սա խնդիրը ելաւ թէ արդեօք Գաղղիացիք պիտի կրնան անոր կլիմային ընտելանալ: Սա զարմանալի է որ բարեկամք և թշնամիք, Անգղիացիք և Գաղղիացիք, զօրապետք և բժիշկք գրէթէ ամենք ալ համտձայն գտնուեցան բացասական կերպով պատասխանելու: Այս անձանց ասպացոյցն էր ծննդեան և մահու փիճակագրութիւնները որոնցմէ, արդարեւ, կը տեսնուէր թէ մեռեալները ծնածներէն շատ էին

Ուստի յայտնի է որ շուտով անապատ կը  
դառնայ այն երկիրը որուն մէջ մեռնողնե-  
րուն թիւը ծնողներէն աւելի է : Ուրիշ բան  
է թէ որ նոր դաղթականներ դալով տարե-  
կան կորուստներուն տեղը լեցնեն : Ահա այս-  
պէս կըսէին Ճեզայիրի համար , և այս կէտո  
խմ դասախօսութեանս նիւթ եղած կէտերէն  
մէկն է :

Արդ , այսպիսի վիճակագրութեանց չնա-  
յելով , երբէք չվարանեցայ ըսելու թէ Գաղ-  
ղիացիք պիտի կարենան Ճեզայիրի կլիմային  
ընտելանալ , և շատ աղէկ ապրիլ հոն : Ս, յս  
եղրակացութեանս հասնելու համար ոչ վի-  
ճակագրութեանց արդիւնքները հերքելու ե-  
լայ ոչ ալ այն անձանց մէջ բերած իրողու-  
թիւնները որոնք (անձինքը) ինչ բողբոլին  
տարբեր եղրակացութիւն կընէին : Ընդհա-  
կառակն ընդունեցի և մեկնեցի զանոնք սա-  
սկզբունքին հետեւելով , զոր երբէք չպիտի  
թողունք , թէ մարմնոյն նկատմամբ մարդո  
կենդանի (անասուն) մ'է , և ոչ այլ ինչ : Հե-  
տեւարար եթէ անասնոց վրայ իշխող օրէնք-  
ները զանազան սլարադայից մէջ դժուարա-  
տար կըլլան մարդուս , ասոր փոխարէն մարդո  
ալ այս օրէնքներուն կենդանեաց ընծայած  
օգուտներուն մասնակից կըլլայ :

Արդ , մարդուս կլիմայափոխութեան (accli-  
matation) դնութեանէն յառաջ , տնկոց և կեն-

դանեաց կլիմայափոխութիւնը զննեցի : Այս հետազոտութեամբ սորվեցայ որ առնկ մը , անասուն մը կամ մարդ մը իւր տեղը փոխածին պէս երկու տեսակ զոհողութիւն ընել կը սպարտաւորի . որոնք են անհատական զոհողութիւնները և սերնդական զոհողութիւնները : Ճէզայիրի մէջ մեր բանակին վախճանելոց թիւէն , որ խիստ շատ աւելի էր քան 'ի Գաղղիա , ապացուցուեցան անհատական զոհողութիւնները . սերնդական զոհողութիւններն ալ իմացուեցան տղայոց վախճանմանց թիւէն որ Ճէզայիրի մէջ Գաղղիոյ կրկինն է :

Քայց գիտէի որ մեր Երոսպացիքս երբ ընտանի կենդանեաց ինչ ինչ տեսակներ Ամերիկա տեղափոխելու փորձ ըրեր էինք , սոնց մեռածներուն թիւը Ճէզայիրի մէջ մեր բանակին մեռեալներուն թիւէն ի սկզբան խիստ շատ աւելի եղած էր : Թէ սերնդական զոհողութեանց ալ թիւը Ճէզայիրի մէջ տղայոց մեռեալներուն թիւէն խիստ շատ աւելի եղած էր : Սակայն այսօր այս կենդանիները Ամերիկայի կլիմային շատ աղէկ վարժուած են , անանկ որ մինչեւ անդամ մէկ քանի տեսակները վայրենական վիճակի մէջ անցան և , սանկ ըսենք , բնիկ եղան :

Այս իրողութեանց զօրութեամբն է որ ակիզրէն 'ի վէր կ'ըսէի , ժամանակ այլապէ

գայ յորում Գաղղիացիք պիտի ընտելանան  
ձէզայիրի կլիմային :

Յուսացածէս շատ կանուխ խօսքս ելաւ :  
Հնգամեայ աշխարհամարին վրայ այս տարի  
հրատարակուած պաշտօնագրերէն կլիմայուի  
որ նախորդ հնգամեայ ժամանակին նայելով  
բնակչաց թիւը 23 հազար հոգւոյ չափ ա-  
ւելցեր է : Բայց կարեւորագոյն կէտը սա է  
որ այս պաշտօնագրերը կը ցուցունեն թէ  
այս աճումը գրեթէ բոլորովին ծնունդնե-  
րուն՝ վախճանմանց վրայ ունեցած առաւե-  
լութենէն յառաջ եկած է :

Հետեւաբար ձէզայիրը բազմամարդեւու  
համար Գաղղիոյ ըրած գոհողութիւնները կըս-  
կին իրենց պտուղը բերել : և անշուշտ ժա-  
մանակ պիտի գայ որ այս նուաճած երկիր-  
նիս մեր գաղթականաց թոռանցը համար  
Գաղղիոյ չափ մաքուր տեղ մը պիտի ըլլայ :  
Այն ատեն ձէզայիրը իրօք Հարաւային Գաղ-  
ղիա մը պիտի ըլլայ :

Գաղթականութեանց մէջ ընել պէտք ե-  
ղած գոհողութիւնները բաւական ցաւա-  
լի բաներ են . կը հարցուի թէ զանոնք  
նուազեցնելու միջոցներ չկան արդեօք : Այս  
բանս դժբաղդաբար միշտ դժուար և երբեմն  
ալ անկարելի եղած է :

Բայց և այնպէս երկու բան կայ որոնք  
ձեր խորհրդածութեանը կը յանձնեմ :

Մեր դաղթականութեանց երկիրներուն մէջ կան այնպիսիներ որոնց կլիմայիցը համար կ'ըսուի թէ այնչափ վատաւողջ են որ Եւրոպացւոց համար այն տեղերը աշխատելը անկարելի է : Այս երկիրներուն կարգէն են դլխաւորապէս Ափրիկէի արեւմտեան ծովակողմի դաղթականութիւններնիս : Սակայն Կրան Պասամի մէջ թմբարկ (ըրբտըմ) շինելու յատկացած գործաւորներու խումբի մը վերատեսուչ Պօլօ նաւապետը Վալօն նաւապետին կըսէր թէ « Ափրակի օրերը հիւանդանալով հաւանդանոց մտնողներուն թիւը արեւուն տակ երեք օր աշխատելով հիւանդացողներուն թիւէն աւելի է » : Ասոր պատճառը սա էր որ այն անձինքը կիրակի օրերը փոխանակ աշխատելու ինքզինքնին ցօրութեան կուտային :

Վալօն նաւապետը կրցաւ այս փորձառութենէն օգուտ քաղել : Կապոն գտնուած ժամանակը այս նաւապետը իւր նաւին մէջ նաւաստիներուն վարուցը վրայ խիստ հսկողութիւն կ'ընէր և զանոնք կանոնաւոր կերպով կ'աշխատցունէր : Երբ ցամաք կենէին այս նաւաստիները, նորէն կ'աշխատցունէր զանոնք մինչեւ իսկ արեւին տակը : Բայց ամեն կերպ չափազանցութիւն կարգիլէր : Ասանկով այս նաւապետս կրցաւ թէ իւր և թէ նաւաստիներուն աւուղջութիւնը պահել :

Ահաւասիկ խիստ կարեւոր օրինակ մ'ալ որ միանգամայն իրական փորձառութիւն մը կընծայէ մեզ :

Արիչ գաղթականութիւն մ'ալ կայ : որ Եւրոպացւոց կեանքը սպառող համարուած է : Խօսքս Պուրպոն կղզւոյն վրայ է որ Մատակաւարի արեւելեան կողմը գրէթէ արեւադարձին տակ , և հետեւաբար երկրիս ամենէն տաք կողմը կ'լինայ :

Այս կղզւոյն մէջի վախճանմանց ցուցակներէն էլիսնանք որ մեռնողներուն թիւը արսափելի կերպով շատ է : Եթէ այս ցուցակներուն նայելալ գտտելու զլլանք միայն , այն ստուն սկտք է բնդունիլ որ այն ցուցակներէն հանուած հետեւութիւնները բողբոջին ու դիտեն : Բայց սկտք է գիտնալ որ կղզւոյն ամբողջ բնակիչներուն նկատմամբ միայն այն ցուցակներուն արդիւնքը ճիշտ է : Բայց այն բնակիչները բնականապէս երկու քրտի բաժնուած են : Մէկ դասը կը բաղկանայ մեծամեծ կալուածատէրներէ , վաճառահաններէ , և բոլոր ատոնց վերաբերեալ մարդիկներէ : Մհա այս դասին միայն կը վերաբերին ցուցակաց այն ցաւալի արգիւնքները զոր յիշեցի :

Բնակչաց միւս դասը կը բաղկանայ այնպիսի մարդիկներէ որոնք ձեռքովին երկիր կը հերկեն և այս պատճառաւ փոքր ինչ ար-

համարհանօք պղտիկ սպիտակներ կը կոչուինք  
Յսոնք սուաջին գաղթականաց թողներն են,  
որոնք գետին ծախու առնելու կարողութիւն  
չունենալով, միւսներուն քով ծառայութեան  
չկրնալ մտնելու չափ ալ գոռոզ բլլալով թէ  
իրենց և թէ թողներնուն համար մշակողա-  
կան համեստ կեանքը ընդունեցին : Ժողո-  
վորդեան այս մասը առանց ուրիշին կարօտ  
բլլալու շատ աղէկ կը հոգայ իւր սպրուստը  
և չէ թէ միայն հետզհետէ բազմացաւ և  
ամեն կերպով երջանիկ եղաւ, այլ իւր Ֆիզի-  
քական տիպարը մինչեւ այն աստիճան բար-  
ւոքեցաւ որ բոլոր ճանապարհորդները այս  
ցեղին թէ կանանց և թէ արանց գեղեցկու-  
թիւնը կը գովեն :

Արդ, միեւնոյն Պուրպօն կղզոյն մէջ,  
կը տեսնենք որ գործէ քաշուած հարուստը  
և քաղաքներուն մէջ բնակող գործաւորը ինք-  
զինքնին՝ գաղթականութեանց մէջ ուրիշ տե-  
ղերէ շատ աւելի ներուած գեղխութեանց  
և ցոփութեանց տալով կը կորսուին : Իսկ  
պղտիկ սպիտակները, որոնք ինքզինքնին՝ Յւ-  
րոպացւոց համար արեւագարձներուն տակ  
անկարելի համարուած աշխատանաց կու-  
տան, բարգաւաճեցան և ամեն մասի մէջ  
չահեցան, վասն զի չափաւոր աշխատութեան  
հետ ժուժկալ և համեստ կեանք մը վարեցին,  
Պարոնայք, այս եղելութեան մէջ գործ-

նական դաս մը կայ : Թէրեւս ճեր մէջէն ո՞ւ  
մանք հարստանալու մտօք որ մը պիտի թո-  
ղուն Գաղղիան և Ճիզայիր կամ ուրիշ գաղ-  
թականութեանց միջ երթան թող այն ժա-  
մանակ միտքերնին բերեն Պարսկոն կղզոյն  
պղտիկ սպիտակները : Թո՛ղ յիշեն որ առողջ  
մարմին մը ունենալու լաւագոյն միջոցներէն  
մէկն ալ առողջ հոգի մը ունենալն է :

ՉԵՐՉ







916 60 413







